

**PROGRAM RADA
OPĆINSKOG NAČELNIKA
za 2016.godinu**

Sarajevo,decembar 2015.godine

I – UVODNI DIO

Programom rada Općinskog načelnika za 2016. godinu definišu se osnovni pravci djelovanja Općinskog Načelnika, odnosno lokalne izvršne vlasti za 2016. godinu.

Osnovni principi postupanja i rada u 2016. godini temeljiti će se na obavljanju i vršenju poslova iz domena lokalne samouprave definisanim Zakonom o principima lokalne samouprave u Federaciji Bosne i Hercegovine, izvršavanju zakona i sprovođenju općinskih odluka te što boljoj i kvalitetnijoj saradnji izvršne vlasti – općinskih službi/sektora sa Općinskim vijećem, institucijama i organizacijama, udruženjima i građanima naše Općine.

Rad Općinskog načelnika i općinskih službi/sektora u svojoj konačnici znači i djelovanje u interesu stanovništva Općine što podrazumjeva i visok stepen odgovornosti.

Po svom karakteru ovo je planski akt kojim se nastoje predvidjeti buduće aktivnosti i djelovanja s tim što njihova konačna realizacija, pored zalaganja i rada Općinskog načelnika, Općinskog vijeća kao i općinskih službi/sektora, u velikoj mjeri zavisi i od niza objektivnih okolnosti koje se vrlo često nisu u mogućnosti predvidjeti, a koje budu prisutne u periodu koji je pred nama.

Ovaj Program utemeljen je na određenim procjenama do kojih se došlo, prije svega, izvršenom analizom rezultata koji su ostvareni u dosadašnjem radu, Strategiji razvoja Općine, planiranom Budžetu Općine za 2016. godinu, kao i drugim elementima čije sagledavanje se nameće kao nužnost prilikom sačinjavanja dokumenta ove vrste i sadržine.

II – OKVIRNI PLAN AKTIVNOSTI

U 2016. godini, kao što je činjeno i svih narednih godina, obezbjediti će se aktivno učešće Općine u postupcima donošenja zakonskih i podzakonskih akata i to na svim nivoima vlasti kroz davanje kvalitetnih sugestija, prijedloga i mišljenja na utvrđene nacрте i prijedloge određenih akata. Ovi poslovi će se raditi ili samostalno ili u saradnji i koordinaciji sa drugim općinama Kantona Sarajevo, Savezom općina i gradova Federacije Bosne i Hercegovine, a sve s ciljem rješavanja ključnih pitanja koja su bitna za funkcioniranje Općine kao jedinice lokalne samouprave, kao i za život i dobrobit svih njenih građana.

Nažalost, i u ovom momentu status Općine kao jedinice lokalne samouprave i s tim u vezi precizno definisanje njenih nadležnosti, još uvijek nije u potpunosti riješeno. U prilog ovoj tvrdnji je i činjenica da Zakon o principima lokalne samouprave u Kantonu Sarajevo još uvijek nije donesen, a pravo na lokalnu samoupravu kao ustavnu kategoriju, svedeno je na puko koncentrisanje poslova na ovaj nivo vlasti od strane viših nivoa vlasti. Stoga će se i u narednom periodu i dalje insistirati na poštivanju ustavnih principa, dosljednoj primjeni Evropske povelje o lokalnoj samoupravi, preciznom definisanju nadležnosti i određenju da je stvarna nadležnost tamo gdje su i finansijska sredstava.

U domenu rada i funkcioniranja općinske uprave nastaviti će se aktivnosti na unapređenju normativnog uređenja djelatnosti iz nadležnosti općinskih službi i Općinskog načelnika. Paralelno će se nastaviti i poslovi na daljem poboljšanju organizacije i funkcioniranja općinskih službi, racionalizacije i efikasnosti rada općinske uprave te njenom materijalnom, tehničkom i kadrovskom jačanju.

Nastavit će se raditi na poslovima i projektima koji su započeti u 2015. godini, a paralelno s tim će se otpočeti i neki novi projekti i aktivnosti u oblastima u kojima je propisana nadležnost Općine kao jedinice lokalne samouprave, odnosno u kojima je izražen interes Općine.

Među najvažnijim investicionim projektima, koji će se nastojati realizirati u godini koja je

pred nama, nalaze se sljedeći projekti:

- izgradnja fiskulturne sale – OŠ „Mula Mustafa Bašeskija“ sa vanjskim uređenjem – procjenjena vrijednost investicije je 630.000,00 KM – vlastita sredstva,
- izgradnja sportskog igrališta na lokalitetu nekadašnje kasarne Faletići, I faza, – procjenjena vrijednost investicije je cca 300.000,00 KM – vlastita sredstva,
- sanacija igrališta Bijela bašča – procjenjena vrijednost investicije 80.000,00 KM – vlastita sredstva,
- sanacija i popločavanje ulice Strošići:
I faza – orijentaciona vrijednost 400.452,00 KM
II faza – orijentaciona vrijednost 250.523,35 KM
III faza – orijentaciona vrijednost 131.007,29 KM
Način finansiranja: Općina – Kanton – Direkcija za ceste

Poznato je da je Općina Stari Grad Sarajevo započela aktivnosti na realizaciji kreditnog zaduženja kod Saudijskog fonda za razvoj. Međutim, konačan ishod ovih aktivnosti je još uvijek neizvjestan iako je sa naše strane urađeno sve što je bilo neopodno kako bi se stvorile neophodne pretpostavke za odobravanje kreditnih sredstava. Obzirom na prethodno, a ukoliko se kreditna sredstva ne odobre, namjera nam je da ipak pristupimo realizaciji ili ovih projekata ili nekog drugog investicionog projekta i to aktiviranjem namjenskih sredstava ostvarenih prodajom poslovnih prostora. To bi se moglo uraditi na jedan od sljedećih načina:

A.

- Izgradnja sportske dvorane u OŠ “Edhem Mulabdić”,
- Nadziđivanje zgrade objekta Doma zdravlja Stari Grad Sarajevo,
- Utopljavanje zgrade Općine Stari Grad Sarajevo,

ili

B.

- Izgradnja podzemne garaže na lokalitetu ulice Avdage Šahinagića.

Obzirom da je procjenjena vrijednost ovog projekta cca 6.000.000,00 KM, nedostajuća sredstva u iznosu od cca 2.000.000,00 KM bi se nastojala obezbjediti putem kreditnog zaduženja Općine.

U svakom slučaju, o naprijed navedenom će Općinsko vijeće biti blagovremeno upoznato i zajedno sa Općinskim načelnikom donijeti konačnu odluku o načinu utroška sredstava i pojedinačnim projektima koji će se tim sredstvima i realizirati.

U 2016. godini nastavit će se aktivnosti koje su započete u saradnji sa različitim nevladinim organizacijama. Jedan od takvih projekata je i „Plan integriteta“, odnosno borba protiv korupcije, u koji projekat se Općina već uključila u saradnji sa Transparency International i čija konačna realizacija se očekuje u 2016. godini.

Očekujemo da će dotacije drugih nivoa vlasti, koje su iz godine u godinu sve manje ili čak u potpunosti izostaju, i naredne godine biti krajnje neizvjesne. Ovo je i razlog što krajnje oprezno ulazimo u planiranje kapitalnih projekata i u pogledu finansiranja istih u ovom trenutku računamo samo na vlastita sredstva.

U periodu koji je pred nama baviti ćemo se i radom na socijalnim programima (u mjeri u kojoj je to i neophodno), uspostavljanju kvalitetnog registra nekretnina u vlasništvu Općine, poboljšanju položaja mladih i drugim sličnim pitanjima.

PALNIRANE AKTIVNOSTI PO OBLASTIMA

III – OBLAST INVESTICIJA, PLANA I ANALIZE

U oblasti investicija planirane su sljedeće aktivnosti:

- iniciranje i učestvovanje u izradi planova, programa i investicionih projekata od interesa za Općinu što podrazumjeva i obavljanje pripremnih radnji, pribavljanje i izrada potrebnih tehničkih podloga, izrada projektnih zadataka, koordinacija i saradnja sa projektantskim biroima i izvođačima radova prilikom realizacije projekata, investicija;
- saradnja sa nadležnim organima i institucijama, i to naročito sa: nadležnim ministarstvima, direkcijama, kao i općinskim službama/sektorima;
- **investicioni projekti:**
 - a) sanacija i popločavanje ulice Strošići – III faza (sufinansiranje Općina – Kanton – Direkcija za ceste),
 - b) adaptacija spomenika kulture u ulici Saburina br. 6 – dio III i IV faza,
 - c) izgradnja fiskulturne sale za OŠ „Mula Mustafa Bašeskije“ sa vanjskim uređenjem – vlastita sredstva,
 - d) izgradnja sportskog igrališta na lokalitetu nekadašnje kasarne Faletići, I faza
 - e) sanacija igrališta Bijela bašča;
- **asfaltiranje ulica:**

Komatin, Nadmlini, Nalina, Mahmutovac, Goloderica, Balibegovica, Megara čikma, Fazilin sokak, Hrgića, A.Đerzeleza, S.Efendije-lijevi krak, Mejlina od br.1 do br.13, Očaktanum, Petrakijina od br.5 do br.13, Streljačka do br.50, Mošćanica čikma, Jarčedoli – Popov gaj II faza, Nova Baruthana II krak, Skendera Kulenovića, Hadžijska ravan, Boguševac od br.25-46, krak desno od rezervoara (sa sanacijom podzida i kanalizacije) i Boguševac čikma kod br.6 (asfaltiranje kraka ulice u pravcu ulice Boguševac sa sanacijom podzida), Bistrik od br.45. Do ul, Krka br.1. (sa sanacijom kišne kanalizacije i javne česme), Berkuša mala kod br.19. (asfaltiranje dijela puta sa pravljenjem podzida i saniranjem klizišta), Desete brdske brigade kod br.1., Berkuša mala kod br.8.
- krpljenje udarnih rupa;
- **popločavanje i kaldrme:**

Nadmlini – stepenište, Pastrma od 11-46, Mačkareva od br.27 do br.37 – stepenište, Mujezinova, Bjelavica (sa sanacijom kanalizacije), Blibegovica od br.31-28
- **potporni zidovi:**

Nadlape preko puta br. 6, A.Bejtića iza br.10, Balibegovića, Carina, S. Zolja br.11, Jarčedoli do br. 49, Garaplina br.15, Krka od br.1-5 (sa uređenjem kanalizacije)
- sanacija podzida na lokalitetu MZ Toka-Džeka (u blizini rezervoara) uz redovito održavanje Boguševačkog i Bistričkog potoka cijelom dužinom do brane
- **kanalizacija:**

Požegina, Lapišnica vodovod – Kanton – Fond, Put mladih muslimana, Bakarevića
- sanacija javne česme u ul.Toka do br.32 do ulice Berkuša velika br.5.
- Izgradnja igrališta za djecu na lokalitetu Boguševca
- sanacija „Kuće zanata“;
- sanacija ploča na šetnicama: Ferhadija, S.H.Muvekita, Jelića, Štrosmajerova;
- i dr.

Kada je riječ o projektima izgradnje komunalne infrastrukture važno je napomenuti da je njihova realizacija uslovljena nizom faktora i okolnosti među kojima posebno treba istaći sljedeće: složenost izrade projektne dokumentacije, duga procedura pribavljanja potrebnih administrativnih dozvola, specifične okolnosti kod realizacije izgradnje/izmjene vodovodne mreže kao i ograničeno vrijeme za izvođenje radova ove vrste. Sve ove okolnosti, pored čitavog niza drugih ne manje važnih okolnosti, moraju se imati u vidu prilikom planiranja ove vrste projekata.

IV – OBLAST KOMUNALNIH POSLOVA

U oblasti komunalnih poslova planirane su sljedeće aktivnosti:

- sagledavanje i praćenje stanja u komunalnoj oblasti;
- **rukohvati – putni odbojnici:**
Grličića brdo, Kriva, Bostarići, Mala Berkuša, 10. Brdska brigada, Budakovića čikma, Mali Sedrenik, Ograda Hendek – Mezarje, i dr.;
- **odbojne ograde:**
Zmajevac do br.2, Obhodža između br. 8 i 10, Baruthana preko puta škole, Mahmutovac do br. 47, Paje malta iznad br. 20, Jarčedoli kod br. 61, Kriva kod br. 1, i dr.;
- **izgradnja niša za smeće:**
S.B.Bašagića na kraju ulice – 5 boksova, Put Mladih Muslimana na Bistričkoj stanici – 5 boksova, ulaz u Hošin brijeg – 3 boksa, Kamenica – 2 boksa, Alije Bejtića iza broja 2.;
- postavljanje i održavanje horizontalne i vertikalne signalizacije, signalizacije ispred škole kao i izrada projektne dokumentacije za saobraćajnu signalizaciju;
- sanacija javne rasvjetje;
- numerisanje kuća;
- uređenje “Aleje ambasadora“;
- uređenje javnih površina (potkresivanje grmlja i šiblja i stabala uz ceste, ulični mobilijar, i sl.);
- interventna nabavka i ugradnja rešetki, slivnika, poklopaca, kao i održavanje rešetki;
- zimsko održavanje (mašinsko čišćenje ukupno 137 ulica, ručno održavanje lokalnih cesti – 40 ulica, održavanje mostova, trotoara i stepeništa);
- iluminacija Bašćaršije;
- izrada i postavljanje zaštitne ograde na Bistričkom mostu dužine 255m i visine 2m;
- i drugo.

V – OBLAST INSPEKCIJSKIH POSLOVA

U oblasti inspeksijskih poslova planirane su sljedeće aktivnosti:

- sagledavanje i praćenje stanja u inspeksijskoj oblasti;
- uklanjanje nelegalno zauzetih javnih površina;
- nadzor u oblasti bespravne gradnje;
- aktivnosti na uklanjanju bespravo izgrađenih objekata;

- stvaranje uslova za bolji, efikasniji rad u oblasti nadzora i inspekcije;
- pojačana saradnja sa nadležnim organima i institucijama, a naročito PS Stari Grad s ciljem sprječavanja i otklanjanja posljedica nelegalnog korištenja javnih površina kao i bespravne gradnje;
- materijalno, tehničko i kadrovsko jačanje oblasti inspeksijskog nadzora;
- i drugo.

VI – OBLAST PRIVREDE, POSLOVNIH PROSTORA, POLJOPRIVREDE I VETERINARSTVA

U oblasti privrede, poslovnih prostora, poljoprivrede i veterinarstva planirane su sljedeće aktivnosti:

- aktivnosti na dosljednoj primjeni i provođenju zakonskih rješenja u vezi sa provođenjem upravnih postupaka iseljenja korisnika poslovnih prostora koji poslovne prostore koriste suprotno zakonu i podzakonskom aktu – odluci;
- pojačana kontrola stanja i korištenja poslovnih prostora, kontrola stanja neaktivnih poslovnih prostora i slobodnih poslovnih prostora te sagledavanje stanja poslovnih prostora (premjer, etažiranje, skiciranje i dr);
- kontinuirana kontrola naplate zakupnina po osnovu korištenja poslovnih prostora uz prioritetan zadatak ispunjenja plana naplate zakupnina u skladu sa planom Budžeta za 2015. godinu;
- praćenje i naplata evidentiranih zaostalih dugovanja;
- pojačane aktivnosti na praćenju već utuženih zakupaca poslovnih prostora, kao i praćenje provođenja izvršnih presuda koje još uvijek nisu provedene;
- sačinjavanje programskih mjera i aktivnosti s ciljem dovođenja neuslovnih poslovnih prostora u funkciju;
- oblasti poljoprivrede:
realizacija projekta Federalnog ministarstva poljoprivrede, vodoprivrede i šumarstva: upis u Registar poljoprivrednih gazdinstava i Registar klijenata (RPG i RK), plastenička proizvodnja, aktivnosti u oblasti voćarstva, stočarstva, pčelarstva i druge slične aktivnosti (Projekti: “Proizvodnja u plastenicima”, “Razvoj pčelarstva na području Općine Stari Grad Sarajevo”, “Stimulisanje stočarske proizvodnje”, hortikulturno uređenje javnih površina na području Općine, i dr.);
- aktivnosti u oblasti veterinarstva:
sa posebnim akcentom na zbrinjavanje pasa lotalica (nezbrinutih životinja) u smislu iznalaženja dodatnih rješenja i praćenje stanja u ovoj oblasti, kao i aktivnosti na realizaciji Projekta “Azil za napuštene pse u Kantonu Sarajevo”, kao i Projekta “Sterilizacije pasa na području Općine”, i dr.

VII – OBLAST URBANIZMA I PROSTORNOG PLANIRANJA

U oblasti urbanizma i prostornog planiranja obezbjedit će se, a kao i uvijek do sada, aktivno učešće Općine u prostornom planiranju sa nosiocima:

- izrade planova prostornog uređenja – Zavodom za planiranje razvoja Kantona Sarajevo;
- nosiocima pripreme – Gradskom upravom;
- i drugim subjektima planiranja;
- po dinamici predviđenoj u proceduri izrade prostorno – planske dokumentacije organizovat će se javne tribine i javne rasprave, a koje će se odnositi na izradu planova prostornog uređenja:
 1. Regulatorni plan “Alifakovac – Babića bašta”
 - poslovi na pripremi i provođenju postupka oglašavanja za dodjelu lokacija za slobodnostojeće ljetne bašte, a sve u skladu sa važećim propisima;
 - praćenje stanja u oblasti urbanizma i građenja, uočavanje eventualnih problema i poduzimanje adekvatnih mjera za otklanjanje istih.

U prethodnim godinama Općina Stari Grad Sarajevo pokrenula je inicijativu za izradu regulatornih planova: Logavina, Mahmutovac, Jarčedoli i Alifakovac – Babića bašča. Također, inicirala je i završetak usvajanja regulatornog plana “Mahala-Kovači” i “Mahala-Medrese” koji su godinama, još od 2002. godine, bili u fazi izrade.

Svi gore navedeni regulatorni planovi su usvojeni kako slijedi:

- regulatorni plan “Logavina” (“Službene novine Kantona Sarajevo”, broj 24/11), Odluka o korekciji regulatornog plana, broj 01-05-2-1896/14 od 27.11.2014. godine;
- regulatorni plan “Mahale-Kovači” (“Službene novine Kantona Sarajevo”, broj 15/14);
- regulatorni plan “Mahale-Medrese” (“Službene novine Kantona Sarajevo”, broj 15/14);
- regulatorni plan “Mahmutovac” (“Službene novine Kantona Sarajevo”, broj 19/15);
- regulatorni plan “Jarčedoli”, usvojen na sjednici Gradskog vijeća Sarajevo održanoj dana 24.11.2015. godine.

Naprijed navedeno je svakako rezultat naših nastojanja da se oblast prostornog uređenja reguliše na način kako odgovara ambijentu i prostornim prilikama Općine, a na tome ćemo insistirati i u narednom periodu.

Prema informacijama kojima raspolažemo u ovom trenutku, u pripremi je i izmjena Odluke o legalizaciji bespravno izgrađenih objekata, odnosno omogućavanje legalizacije ovih objekata u određenom roku. Naša saznanja su da će primjena odluke započeti početkom januara 2016. godine pa će u skladu sa ovim i nadležna općinska služba za upravu stvoriti bitne pretpostavke kako bi se ovi postupci sproveli i okončali na efikasan način.

VII – IMOVINSKO-PRAVNA I STAMBENA OBLAST

U imovinsko – pravnoj oblasti planirane su sljedeće aktivnosti:

- praćenje stanja i problematike u oblasti propisa koji se primjenjuju u ovoj oblasti te davanje sugestija i prijedloga na nacрте i prijedloge zakona iz ove oblasti;
- pojačane aktivnosti na iznalaženju lokacija koje bi se putem konkursa mogle ponuditi na

- prodaju u skladu sa zakonskim i podzakonskim aktima koji regulišu ovu oblast;
- iznalaženje zakonske mogućnosti uknjižbe svih nekretnina koje predstavljaju vanknjižno vlasništvo Općine Stari Grad;
 - aktivnosti na popisu cjelokupne pokretne i nepokretne imovine Općine – uspostava registra nekretnina;
 - pojačane aktivnosti na uklanjanju uočenih grešaka koje su nastale u postupku digitalizacije geodetskih podloga a u svrhu uspostavljanja jedinstvenog softvera koji objedinjuje alfanumeričke podatke sa grafičkim podacima;
 - praćenje i primjena propisa u stambenoj oblasti i oblasti otkupa stanova;
 - pojačan rad i aktivnosti na primjeni Zakona o prodaji stanova na kojima postoji stanarsko pravo (otkup nacionalizovanih/konfiskovanih stanova te stanove privatiziranih preduzeća kao i stanove za koje se utvrdi da je prodavatelj nepoznat);
 - pripremne aktivnosti u vezi sa postupkom kompletiranja Zakona o prodaji stanova, i to dio koji se odnosi na zamjenske stanove;
 - poslovi na nastavku realizacije projekta izgradnje stanova za interno raseljene osobe na Gazinom hanu, a koji projekat se radi u saradnji sa humanitarnom organizacijom “Hilfswerk” Austria;
 - i drugo.

VII – OBLAST OPĆE UPRAVE

U oblasti opće uprave, pored redovnih poslova i radnih zadataka, naročita pažnja će se posvetiti sljedećim aktivnostima:

- stručne obuke i osposobljavanje matičara za vođenje matičnih knjiga (predviđene su edukacije matičara i ostalih službenika raspoređenih na poslove matičnog ureda). Edukacije će se odvijati u tri nivoa: unutar organa, edukacije koje vrši Kantonalni MUP i edukacije koje vrši Federalni MUP;
- poduzimanje posebnih mjera tehničke zaštite čuvanja matičnih knjiga i elektronskih podataka matičnog ureda;
- dalja realizacija projekta “Elektronski popis” Agencije i matičnog ureda;
- kadrovsko, materijalno i tehničko jačanje ove oblasti;
- i drugo.

VIII – OBLAST OBRAZOVANJA, KULTURE I SPORTA

U oblasti obrazovanja, kulture, sporta i lokalnog razvoja planirane su sljedeće aktivnosti:

Obrazovanje:

Predškolski odgoj i obrazovanje

- sagledavanje stanja, praćenje i podsticanje aktivnosti iz oblasti predškolskog obrazovanja, te predlaganje mjera s ciljem unapređenja odgojno-obrazovnog rada u predškolskim ustanovama;

- utvrđivanje politike predškolskog odgoja i obrazovanja (obavezni i neobavezni);
- unapređenje rada predškolskih ustanova i kvaliteta usluga;
- praćenje, usklađivanje i provođenje reformi u predškolskom odgoju i obrazovanju u skladu sa zakonom;
- analiza stanja objekata i uslova rada predškolskog odgoja na lokalitetu Općine s ciljem poboljšanja kvaliteta usluga u predškolskim ustanovama;
- saradnja sa JU “Djeca Sarajeva” - vrtićima na području Općine i rad na edukativno propagandnim projektima;
- i drugo.

Osnovni odgoj i obrazovanje

- izrada Strategije razvoja u osnovnom odgoju i obrazovanju;
- sagledavanje stanja, praćenje i podsticanje aktivnosti iz oblasti osnovnog odgoja i obrazovanja;
- praćenje, usklađivanje i provođenje reformi u osnovnom obrazovanju u skladu sa zakonom;
- realizacija projekata u saradnji sa organizacijama civilnog društva s ciljem pružanja pomoći djeci s posebnim potrebama uključenoj u redovni odgojno-obrazovni rad;
- koordinacija i pružanje podrške Mobilnim timovima (defektolog, psiholog, pedagog, logoped, socijalni radnik) u zavodu “Mjednica” i Centru “Vladimir Nazor” za pomoć djeci s posebnim potrebama uključenoj u redovni odgojno-obrazovni proces;
- učešće u realizaciji projekta inkluzije “Gledate nas, a da li nas vidite” u saradnji sa Savezom slijepih Kantona Sarajevo;
- učešće u realizaciji projekta inkluzije “Problem bijelog štapa” u saradnji sa Savezom slijepih Kantona Sarajevo i osnovnim školama na području Općine;
- aktivnosti u vezi s realizacijom polaganja eksterne mature na području Općine;
- praćenje upisa, uspjeha i vladanja djece kroz redovite izvještaje;
- aktivnosti u vezi sa realizacijom sljedećih projekata, kao npr. “Dobro došli đaci prvaci 2016.”, manifestacija znanja “Neum” 2016.godine, “Škola plivanja” za školsku 2015/16. godinu u saradnji sa JU Olimpijski bazen “Otoka”, projekat “Civitas”, historijski čas “Da se ne zaboravi Srebrenica”, projekat ispraćaja maturanata “Novi početak u vašem životu”, i drugi slični projekti i aktivnosti;
- opremanje škola neophodnim učilima;
- pripreme i realizacija općinskih takmičenja učenika osnovnih škola u saradnji sa Prosvjetno-pedagoškim zavodom iz nastavnih predmeta u skladu sa zakonom za školsku 2015/16. godinu;
- stipendiranje učenika i studenata u školskoj/akademskoj 2015/2016. godini;
- organizovanje i realizacija historijskog časa “Da se ne zaboravi Srebrenica”;
- organizacija i realizacija projekta razmjene učenika osnovnih škola iz Općine Stari Grad i Općine Karpoš – Skoplje (Republika Makedonija);
- i drugo.

Kultura

- učešće u organizaciji tradicionalnih kulturnih manifestacija: Sarajevo film Festival, Bašćaršijske večeri, Sarajevska zima, MESS, Balet fest, Dani Krleže, Međunarodni festival folklora, Sarajevski dani poezije;
- organizovanje druženja učenika likovnih i eko sekcija osnovnih škola (“Boje jeseni” i “Miris

- proljeća”);
- manifestacija “Old timer” - doprinos realizaciji manifestacije;
- saradnja sa organizacijama civilnog društva u projektima iz oblasti kulture;
- i drugo.

Sport

- aktivnosti na projektovanju sportskih i rekreacionih objekata;
- organizovanje rekreacije za sve dobne i polne strukture;
- sport invalidnih lica;
- sport u osnovnim školama;
- projektovanje i izgradnja sportskih i rekreacionih objekata (izgradnja sportske sale OŠ “Mula Mustafa Bašeskija”, projektovanje i izgradnja sportskih igrališta (Sportski centar “Bijela bašća” na području MZ “Medrese”, zaokruženje projektne dokumentacije za izgradnju velikog nogometnog terena u Kasarni “Faletići”);
- pomoć pri organizaciji sportskih takmičenja koje organizuju škole i nevladine organizacije;
- organizacija Lige osnovnih škola u malom fudbalu i Žensku odbojkašku ligu osnovnih škola Starog Grada;
- Organizacija Škole skijanja “Igman 2016”, početni kurs koji će besplatno obučiti 200 učenika osnovnih škola Starog Grada;
- organizacija sportskih manifestacija (Malonogometni turnir “Šehidima, poginulim borcima i RVI Stari Grad”, stonoteniserski turnir povodom Dana Općine, sportski susreti invalida Stari Grad povodom 25. novembra, Božićni turnir u malom nogometu, Sjećanje na Denisa Mrnjavca, i dr., malonogometni turniri, stonoteniserski turniri, Bajramski turnir, Božićni turnir, šahovski memorijal “Jedan je Hase”, i sl.);
- i drugo.

IX – OBLAST LOKALNOG RAZVOJA

U oblasti lokalnog razvoja planirane su sljedeće aktivnosti:

- promocija potencijala za investiranje u Općinu (Vodić za investitore – turizam, poljoprivreda, zanati, ekologija, ekonomski razvoj kao i jačanje komunikacije sa investitorima);
- promocija i proširenje turističke ponude, zanatskih proizvoda i suvenira;
- promocija raspoloživih programa sufinansiranja privrednika u svrhu zapošljavanja (podrška OCD-ovima u dizajniranju trening programa, projekat “GOLD” (USAID/SIDA) – edukacija u oblasti zapošljavanja i otvaranje novih radnih mjesta);
- osnaživanje međupćinske i regionalne saradnje kroz realizaciju zajedničkih projekata;
- jačanje kapaciteta za saradnju sa organizacijama civilnog društva i mladima (objavljivanje i realizacija javnog poziva za projekte organizacija civilnog društva, odabir projekata organizacija civilnog društva i praćenje njihove realizacije, saradnja i jačanje kapaciteta omladinskih organizacija, pružanje podrške programima OCD-a, priprema i realizacija programa edukacije predstavnika OCD-a u oblasti pisanja i upravljanja projektnim ciklusom, i dr.);
- jačanje općinskih kapaciteta za pripremu i realizaciju projekata (godišnji programi edukacije uposlenika, priprema projekata u skladu sa PCM metodologijom, priprema i realizacija

- programa za kontakte sa investitorima, izrada projekata za selektiranje komunalnog otpada, i dr);
- i drugo.

X – OBLAST CIVILNE ZAŠTITE

U oblasti civilne zaštite planirane su sljedeće aktivnosti:

- lična i uzajamna zaštita građana (edukacija građana kroz štampanje i plakatiranje prigodnih obavijesti i uputa za provođenje mjera i postupaka preventivne zaštite, prve pomoći, samopomoći, zbrinjavanja i druge hitne intervencije u zaštiti i spašavanju ljudi i materijalnih dobara);
- mjere zaštite i spašavanja (preventivne i operativne prirode);
- mjere na sklanjanju ljudi i materijalnih dobara u slučaju opasnosti;
- opremanje struktura civilne zaštite (opremanje Službe za protivpožarnu zaštitu “DVD Vratnik”, opremanje općinskog štaba CZ, opremanje Službe CZ i Operativnog centra);
- planiranje i programiranje (Plan i program razvoja 2016-2021.godina, Plan korištenja sredstava posebne namjene za 2016. godinu kao i ažuriranje dokumenata Plana zaštite i spašavanja);
- povećane aktivnosti na terenu i prikupljanju podataka o mogućim opasnostima po ljude i imovinu, mapiranje određenih izvora opasnosti i na osnovu istih poduzimati mjere preventivnog djelovanja;
- i drugo.

XI – OBLAST BORAČKO-INVALIDSKE I SOCIJALNE ZAŠTITE

U oblasti boračko-invalidske i socijalne zaštite planirane su sljedeće aktivnosti:

- poslovi na reviziji lične i porodične invalidnine od strane revizorskih timova Federalnog Ministarstva;
- implementacija novog programa po pitanju evidencije i obračuna korisnika prava u skladu sa zakonom;
- učestvovanje u određenim projektima, kao npr.: “Dani Općine”, obilježavanje značajnih datuma u periodu 1992.-1995.godina, državnih i vjerskih praznika;
- stipendiranje djece boračke populacije;
- saradnja sa boračkim organizacijama i udruženjima registrovanim na području Općine kao i poslovi na realizaciji javnog oglasa za finansiranje redovne djelatnosti boračkih udruženja;
- dodjela novčane pomoći – hedija šehidskim porodicama, RVI i demobilisanim borcima;
- pomoć socijalno najugroženijim kategorijama stanovništva u skladu sa važećim propisima;
- evidentiranje i rješavanje statusnih pitanja iz kategorije raseljenih lica;
- pružanje pravne pomoći kategorijama stanovništva iz ove oblasti;
- i drugo.

XII – ODNOSI SA JAVNOŠĆU I INFORMACIONI SISTEMI

U oblasti odnosa sa javnošću i informacionih sistema planirane su sljedeće aktivnosti:

- izrada “Brošure Općine Stari Grad Sarajevo” (planirana štampa i publikacija u tiražu od 1.000 kom.);
- izrada panoa sa grbovima pobratimskih općina;
- izrada “Virtualnog vodiča – II generacija” kojim će se obuhvatiti: Kuća Alije Đerzeleza, Franjevački samostan, Ferhadija džamija, Bašçaršijska džamija, Sinanova tekija, Čekrekčijina džamija, Pijaca Markale i Memorijalni zid na pijaci, Sarajevske ruže, Saborna crkva, Dom oružanih snaga i Fakultet islamskih nauka;
- nastavak saradnje sa medijima koji su u toku 2015. godine pratili rad Općine i izvještavali javnost o tome;
- informisanje javnosti kroz saradnju sa medijima;
- informisanje javnosti o radu Općine putem web stranice (www.starigrad.ba);
- priprema i organizovanje pres konferencija, prezentacija, promocija i slično s ciljem informisanja javnosti o aktivnostima Općine;
- izrada biltena Općine “Starogradski haberi”, tromjesečno (4 puta godišnje), tiraž: 2000 komada (8000 na godišnjem nivou);
- prezentacije i promocije u Info-press centru Općine i stavljanje ovog centra u puni kapacitet rada i promocije (mogućnost preuzimanja aplikacije “Virtualni vodič” kroz obezbjeđenu wireless konekciju, prezentacije bogate baštine i tradicije naše zemlje kao npr. izlaganje heklane državne zastave BiH i kerano-heklane zastave Općine);
- instaliranje novih sadržaja na web stranici Općine;
- ažuriranje i održavanje kompletnih servisa (Facebook page Općine i Youtube profil);
- ažuriranje sadržaja na Intranet stranici;
- aktivnosti na brizi i evidenciji o poštovanju odredbi Ugovora o isporučivanju starogradskog suvenira “Sarajevska kocka”;
- izrada idejnih rješenja i proprema pozivnica, plakata (Dani Općine Stari Grad), zahvalnica, i sl.;
- poboljšanje i održavanje postignutog stepena funkcionalnosti servisa IT koji podržavaju poslovne procese u Općini;
- održavanje recertifikacijskog audita (kraj januara 2016. godine);
- stvaranje pretpostavki za postepenu tranziciju sa ISO 9001:2008 na ISO 9001:2015 standard.

XIII – OBLAST MZ

U oblasti mjesnih zajednica planirane su sljedeće aktivnosti:

- intezivna saradnja sa nadležnim općinskim službama na realizaciji planiranih projekata asfaltiranja, krpljenja udarnih rupa, sanaciji stambenih jedinica, i sl.;
- nastavak intezivne saradnje sa PS Stari Grad s ciljem povećanja stepena bezbjednosti građana, te podsticanje građana na učestvovanje u projektima “Nadziranje susjedstva”, “Rad policije u zajednici”, i sl.;
- saradnja sa Lot timovima IFOR-a;
- saradnja (u granicama objektivnih mogućnosti) sa nadležnim Centrima za azile (provođenje akcije kastracije i smještaja agresivnih pasa);

- nastavak saradnje i koordinacije sa kuhinjom Crvenog križa, Narodnom kuhinjom “Stari grad”, općinskim Centrom za socijalni rad, Domom zdravlja Stari Grad i Centrom za mentalno zdravlje;
- animiranje djece i omladine da se kroz sportske i kulturno – zabavne aktivnosti preventivno djeluje na sprječavanju i širenju konzumiranja alkohola, opojnih droga, i sl.;
- provođenje adekvatnih aktivnosti po mjesnim zajednicama u saradnji sa NVO i udruženjima: sastanci, edukacije, pozorišne predstave, plesne škole, folklorne skupine, stolni tenis, i sl.;
- pojačane aktivnosti na daljem jačanju pomoći građanima i lakšem pristupu s ciljem rješavanja određenih pitanja iz nadležnosti Općine, kao i drugih nivoa vlasti;
- anketiranje građana po okončanju projekata;
- i drugo.

XIV – OBLAST REVIZIJE (INTERNA REVIZIJA)

U Oblasti interne revizije (čiji je osnovni cilj unapređenje poslovanja Općine i to kroz sistem inetrnih kontrola i s tim u vezi davanje neovisnih i objektivnih preporuka za ispunjavanje naprijed navedenog cilja) utvrđen je Godišnji plan interne revizije za 2016. godinu, a koji je izrađen na osnovu Strateškog plana interne revije za period 2015. - 2017. godina. Na osnovu utvrđenog Godišnjeg plana utvrđena su i revizijska područja za 2016.godinu, i to:

- upravljanje sredstvima CZ – Nabavka opreme,
- isplata naknada za socijalnu zaštitu,
- asfaltiranje ulica – sredstva Općine.

Ostale planirane aktivnosti interne revizije su:

- praćenje ostvarivanja i ažuriranja Strateškog plana interne revizije za period 2014-2017.godina,
- praćenje ostvarivanja godišnjeg plana interne revizije za 2016. godinu,
- kontinuirano praćenje provođenja preporuka datih u izvještajima u obavljenim revizijama,
- pripremu i izradu Godišnjeg plana Interne revizije za 2017. godinu,
- stručno usavršavanje i permanentna edukacija iz svih oblasti vezanih za internu reviziju.

U 2016. godini interna revizija će naročito biti usmjerena na:

- osiguranje efikasne i učinkovite interne revizije u Općini,
- usklađivanje rada interne revizije sa zakonima o internoj reviziji, Etičkim kodeksom, Standardima i metodologijom rada koja proizilazi iz međunarodnih revizorskih standarda IIA, dobrim praksama država u okruženju i metodologijom rada koju je usvojila Centralna harmonizacijska jedinica (CHJ) i uputstvima Ureda za reviziju institucija BiH,
- pojačane aktivnosti na radu interne revizije u Općini,
- i drugo.

XV – PRIJEDLOZI OPĆIH I POJEDINAČNIH AKATA, IZVJEŠTAJA I INFORMACIJA ZA OPĆINSKO VIJEĆE

Planirane aktivnosti u segmentu predlaganja općih i pojedinačnih akata, izvještaja i informacijama u 2016.godini su sljedeće:

- Prijedlog Odluke o visini naknade za pogodnosti gradskog građevinskog zemljišta – rente na području Općine Stari Grad Sarajevo za 2016.godinu;
- Prijedlog Odluke o utvrđivanju visine naknade za građevinsko, poljoprivredno i gradsko građevinsko zemljište za 2016. godinu;
- Prijedlog Odluke o dodjeli u zakup poslovnih zgrada i poslovnih prostora Općine Stari Grad Sarajevo;
- Prijedlog Pravilnika o visini i načinu isplate jednokratne novčane pomoći porodicama;
- Prijedlog Odluke o organizaciji i funkcionisanju civilne zaštite na području Općine Stari Grad Sarajevo;
- Nacrt Budžeta Općine za 2017. godinu;
- Prijedlog Budžeta Općine za 2017. godinu kao i prijedlozi drugih pratećih odluka i drugih akata vezanih za proces budžetiranja;
- Prijedlog rebalansa Budžeta kao i Odluka o preraspodjeli sredstava (po potrebi);
- Izvještaji o realizaciji Budžeta Općine za 2016. godinu;
- Izvještaj o broju upisane djece u prve razrede osnovnih škola za školsku 2016/17. godinu;
- Informacija o izvršenim hitnim intervencijama na zgradama;
- Informacija o vršenju inspekcijanskog nadzora u oblasti urbanizma i građenja;
- Informacija o stanju komunalne čistoće na području Općine;
- Informacija o aktuelnim pitanjima iz oblasti socijalne zaštite;
- Informacija o uspjehu i vladanju učenika na kraju prvog polugodišta školske 2016/17. godine, kao i na kraju školske 2016/17. godine;
- Informacije o provođenju općinskih odluka iz oblasti:
 - imovinsko- pravna oblast
 - stambena oblast
 - oblast poslovnih prostora
 - oblast urbanizma
 - oblast boračko-invalidske zaštite
 - oblast socijalne zaštite
 - oblast komunalnih djelatnosti
 - oblast inspekcijanskog nadzora
 - oblast obrazovanja, kulture i sporta
 - oblast lokalnog razvojakao i sve druge oblasti na koje se odnose donesene općinske odluke;
- Informacija o pripremljenosti za zimsko održavanje saobraćajnica na području Općine Stari Grad Sarajevo;
- kao i drugi prijedlozi općih i pojedinačnih akata, izvještaja i informacija.

Naprijed pobrojane aktivnosti predstavljaju samo dio planiranih aktivnosti u ovoj oblasti. Najveći dio ovih aktivnosti bit će naveden u Programu rada Općinskog vijeća, u slučaju da se ukaže potreba određeni prijedlozi općih i drugih akata bit će predmet razmatranja Općinskog vijeća.

XVI – ZAVRŠNI DIO

Pravni osnov za donošenje Programa rada Općinskog načelnika sadržan je u Statutu Općine Stari Grad Sarajevo i obavezi Općinskog načelnika da Općinskom vijeću prezentira svoje programske aktivnosti.

Programske aktivnosti Općinskog načelnika su planski akt i polazna osnova za izradu Programa rada Općinskog vijeća.

Po svom karakteru i sadržaju ovo je i okvirni akt koji će se kretati u okvirima objektivnih potreba i realnih mogućnosti Budžeta Općine Stari Grad Sarajevo za 2016. odinu.

U vezi sa naprijed navedenim Općinski načelnik prezentira Općinskom vijeću Stari Grad Sarajevo Program rada za 2016. godinu.

OPĆINSKI NAČELNIK

mr. Ibrahim Hadžibajrić, s.r.